

譚友夏合集目錄 卷之四

嶽歸堂新詩

七言律二

坐東青軒

陳馨生處聞王永啓白下計音

適利西秦墓而吊之

懷鍾伯敬久無書

眞定道上懷舊并際使君朱無易先生

燕歸明日伯敬同賀可上令弟居易過訪

時諸弟他出

黃美中從斬水遠過

喜白門胡元振至

十三夜喜雨後月遠讀服膺同作

皂市問伯敬病勸予究心楞嚴

沙市尋袁述之

譚友夏合集 卷四 目錄

十五夜月食張樓同朱其勤袁田祖述之

安集

武陵待少司馬中丞師蔡公黔禩五首

其二

其三

其四

其五

答郁仲開明府書聞公爲弟元方房師

冬夜謝吉父招汎東湖題其水屋

送周無畏

玉泉閒步覆舟山響水潭憶同伯敬舊遊

其二

五五

王天庚令姬畫霜紅圖而自題詩寄予冬

窗賞之寄以一詩

喜袁述之過園中

妹婿魏木從自山中過住

贈李表兄長叔恭議

友人送雙鶴置之窗間善題數句

中丞姚公直指溫公垂唁感賦

沈滄洲攜五郎過訪並示令弟炎洲給諫

書問

傳陵九郡伯入覲單騎歸省秋復還鄂攜

家抵湖南觀察任

移航至河同劉濟甫僧開子寒碧弟遠韻

擬陶月泛

寄陳湘潭房師

廬居悲感送六弟服膺入鄂應左伯閱公

館聘

園居贈胡用涉

閱左伯紐絃中秋初度予與舍弟元禮秋

看中因贈

王青嵐樺山齋中同公占看殘雪

悼同年孫爾毅

送沈滄洲令涪川

金正希學道人也新官庶常貽書相迪舟

過其家仲氏招飲因寫寄燕中

湘潭謁陳闈然房師

別栗仲芳諸子

七言排律

甲子除夕和伯敬歲暮感懷之作因示弟

輩

乙丑歲除夕感蔡敬夫鍾伯敬二公之亡

賦十二韻示弟

丁卯除夕同諸弟及妹婿魏繩老僧真公

守歲先慈筵上十二韻

湘潭贈李宗伯八韻

壽陳松石先生

譚友夏合集 卷之四

嶽歸堂新詩

竟陵 譚元春友夏著

七言律 二

坐來青軒

翠到茲山欲盡收。幾多風物自相遊。虎蹲宸翰峯峯雪。龍變玉言歲歲秋。有氣泉巖如應答。無聲酒茗不沈浮。心高目下須臾際。鴈掠荒雲去未休。

陳盤生處聞王永啓白下計音

書道三年衣表骨。不知何故出江南。快人興豈隨生盡。才吏貧常誓死甘。猶恨殷遙禪未入。最同張籍哭難堪。與君情好堪思處。與小舟高湖上菴。

過利西秦墓而弔之（同趙伯離周安期陳則梁）

來從絕域老長安。分得城西土一棺。斫地呼天心自苦。挾山超海事非難。私將禮樂攻人短。別有聰明用物殘。行盡松楸中國大。不教奇骨任荒寒。

懷鍾伯敬久無書至

妙急秋深意每驚。思君此際息怔營。隨拈滿字皆無字。靜照前生與後生。小几開花閒日伴。高樓落木暮天情。晉書不肯才都下。予適滔滔久在京。

真定道上懷舊井陘使君朱無易先生

太來不易得回音。何敢然疑失素襟。常袖青城山下字。兩過恆嶽道中心。楚燕秋草車輪賤。巴蜀春江里巷深。前日相逢馬京兆。說君齋食輔幽吟。

燕歸明日伯敬同賀可上令弟居易過訪時諸弟他出

不尋溪塢欲焉爲。親愈家安莫妄思。閒徑苔痕朋聚早。候檐烟火弟還遲。福生狂士誠知載。慧在文人卽總持。作客將休留客始。寒星高柳夜相宜。

黃美中從蘄水遠過

舟隔朱陳邨復邨。數年一到易衡門。身經世事荆榛路。袖匿新文風水痕。有月隨君溪上照。看霜點我髮邊存。自慚靈運心多雜。欲入空山但口言。

喜白門胡元振至

白門歸後四無隣。已是丘園半老身。明月不寒依好友。還鄉未定羨遊人。林塘位置煩香補。櫺柳蕭疎種畫因。僧起鴉飛君尙出。愛聞行獨覺君真。

十三夜喜雨後月遠韻服膺同作

節物驚心各掩書。一門中自結相於。過塘靈雨胎佳月。出塢輕風翼傲盧。春早宵明光井甕。葉開花落息舟車。懷新不覺生餘感。香動江南何處興。

皂市問伯敬病勸予究心楞嚴

雖却荷香欲近旬。陂塘祇作獨行身。扁舟甘載深情路。半榻平生苦志人。文疊王褒何句好。經逢杜衍自然親。惓惓時作資糧語。損雨衣珠念甚真。

沙市尋袁述之

微涼淺夜客懷生。氣誼無多復此行。莫爲友朋傷脆弱。〔時伯敬新逝〕且邀神鬼聽和平。出城草樹三秋路。過市風煙十載情。欲信別來書史好。鬚髯颯颯向江鳴。

十五夜月食張樓同朱其勤袁田祖述之宴集

友朋昆弟聚常希。自與高樓遠樹依。月不成圓天若老。秋當旣半暑知歸。坐連香粉蛩私語。世滿置羅雁靜飛。未待尊空身屢起。六街街鼓急光輝。

武陵待少司馬中丞師蔡公黔襯五首

苦僧乘婦合成身。欲狗誇荒早被噴。力盡紫沙爲塔日。心悲發笥遊梁人。將如南八肝腸少。世值朝三喜怒頻。正羨君歸君忽化。霜花霧雁不知聞。

其二

路遠蠻溪與瘴深。一棺杳杳入寒林。自傷屈子沈沙志。誰有侯生負土心。此日日惟思鑄錯。今年年在失知音。良朋先赴緋衣召。白玉樓邊幸往尋。（伯敬以六月先亡）

其三

芒屨記到酉陽時。古道秋心與我期。（公贈予詩有置身凜在古。行世淡於秋之句）才愧來書稱畏友。情甘負笈事良師。人天慧難總兼福。存歿恩俱不敵知。許大精魂風月散。焦芽石女欲焉爲。

其四

日見高流理酒漿。（謂楊秀齡先生父子）武陵溪口遲君航。漁舟約好尋仙界。馬草魂先戀鬼方。始覺詩文難斷瘡。豈知牙蘂甚投荒。予今悟矣甘無用。梁父吟多是挽章。

其五

布衣相死諾無虛。况託深知古不如。林人忘形三度約。篋開沾臆十年書。鴻飛爪在追無及。石轉江流恨有餘。我欲歸家鴉萬點。平山枉渚坐躊躇。

答郁仲開明府書問公爲弟元方房師

眞成越絕絕人姿。書到常如夢見之。路愛沅湘多作客。緣慳軼轍不同師。文章力盡五丁險。旌旆光翻一酉奇。君處東風應獨早。高花弱柳孰先吹。

冬夜謝吉父招汎東湖題其水屋

野水霜天永夜凝。似將舟事待君興。薄烟歸閣惟栖碧。殘雪明蒿不挂簷。子美蒲沙隨地有。志和家宅逐年增。遙知兩岸幽人出。應喜寒湖報一燈。

送周無畏

野人談笑當笙歌。臘後春前細馬過。來入弟兄羣自好。戲添杯舉數無多。相邀豈肯賓周黨。重晤猶聞帝謝雞。樊口西山新柳色。不同君往是蹉跎。

玉泉閒步覆舟山響水潭憶同伯敬舊遊

十年晉吐落嵐光。叉手看山衣履蒼。智者常存依洞壑。文人消盡念隋唐。土膏漠漠融新雪。塔影蕭蕭學夕陽。咽向春禽啼不徹。行來行去水聲旁。

其二

筇孤敢羨再遊身。帶挈沾藍若夢親。乍到此中潛墮淚。移經數處始栖神。松煙烏亦燒舍侶。樵澗僧無遇茗因。回省山邊今古土。何人不是覆舟人。

王天庚令姬人畫霜紅圖而自題詩寄予冬窗賞之寄以一詩

才人意想女娃筆。筆作新霜霜作花。愁借娟娟生客緒。喜分豔豔向天涯。臥看素壁如移屐。置近晴窗欲當家。有士亭中呼不出。却瞻嵐翠獨咨嗟。

喜袁述之過園中

古交相訪十年誠。會啓園扉看水明。一入深林知路改。屢眠閒宇較家輕。早追南董君奇筆。遲餉東菑我拙耕。私約老年舟上下。遍從水木着琴箏。

妹壻魏木從自山中過住

會依几案兩年餘。筆墨酣時每乞書。自汝一歸心便懶。遭人邀請手常踈。夕烟河上黃茆屋。秋雨橋邊白小魚。深愧重來猶寂寂。只將新蜜贈山居。

贈李表兄長叔參議

六旬鬢黑四旬斑。自是韜君澹與閒。頗喜常師黃叔度。不須親見白香山。官宜水部梅花裏。身在沙門貝葉間。更欲摠衣重下拜。日從歌笑學朱顏。

友人送雙鶴置之窗間喜題數句

鳴躍同增物外緣。不妨君與日周旋。分餐似客朝收釣。假寐如僧夜立禪。霜滿姑安閒戶內。月明徐熱慢塘邊。新來剪羽慚相待。何處深林非遠天。

中丞姚公直指溫公垂唁感賦（予是年出二公門下）

落落斯情亦古如。高官孰肯問廬居。胡床興老庾公月。茆屋緣深嚴武書。豈有新歌逢雪後。漸多芳草及春初。知音散盡琴琴破。授向人間好愧予。（謂蔡司馬亡後）

沈滄洲攜五郎過訪並示令弟炎洲給諫書問

僻村齋舫載書車。喜我園林卽是家。雛鳳領來千竹裏。鶴鴿音到兩湖涯。作官兼隱忘冠佩。待客同僧設茗瓜。可記騎驢京國日。對彈薰調不爭差。

傳陵九郡伯入覲單騎歸省秋復還鄂攜家極湖南觀察任

燕霜蜀霧歷將周。始見高牙赴永州。路爲君親行萬里。署封兒女到三秋。涪溪頗好雲邊石。鉛鉅深郭外丘。頗有文如元與柳。前賢讀處是佳遊。

移航至河同劉濟甫僧開子寒碧弟遠韻擬陶月泛

夏塘生厭又遷舟。望望河光若有投。蓬底坐僧全幅畫。篙邊訪弟數家幽。野香吹岸茶初濕。林月涼灘釣未收。愛製漁歌歌吹外。志和終老宅常浮。

寄陳湘潭房師

情耽望岳又浮湘。師在其間欲裹糧。昨歲剛逢歐永叔。往時多似孟襄陽。論文自與人天對。相士無如器識長。學道讀書俱可報。邇來幽夢亦徬徨。

廬居悲感送六弟服膺入鄂應左伯閔公館聘

數載冰淵事病親。最驚無繫出門身。亦知車馬江干有。餘得詩書汨跡新。靜署茶香思母嗜。高文墨飽笑兒醇。燈窗可羨荊花照。散去常愁貴與貧。

園居贈胡用涉

別家惟喜近朋儔。偶晤常如日日留。恥用奇懷雕字句。時分健氣錯觚籌。野蒲塘上予數坐。好月門前汝泊舟。既有歸心因母動。此時真可罷閒遊。

閔左伯級弦中秋初度予與舍弟元禮飲署中因贈

高文古質出蒼川。數載江蘼岸柳緣。玉笛清秋吹夜夜。金樽好月照年年。教嚴鵠豎家前輩。心切夔龍世大賢。短短池塘兄弟草。喚茲松柏與蒼竹。

王青嵐櫛山齋中同公占看殘雪

雪在櫛峯照郢明。與君高踏萬家晴。煙飛日落歌喉薄。尾白山青醉眼爭。帝里餘寒冰寢廟。客檐新霽雨柴荆。惠連一賦無他好。堪減胸中慮與營。（謝雪賦云縱心皎然何慮何營）

悼同年孫爾毅

郢門從此倦徘徊。最佳園扉日日開。剛與嘉賓同鄂渚。忍教名父獨燕臺。（爾毅尊公伯御亦上春官）視邊看我書爭坐。燭下催君喚夜來。交好早知如此盡。但當常醉不思回。

送沈滄洲令涪川

君才豈但有鳴琴。所羨常經聖主心。粟卜當時兄問弟。烏飛佳事古猶今。含巾吐拓三年熟。別潞離潞兩地深。漸欲隨齋鉛槧往。濠邊好爲聽車音。

金正希學道人也。新官庶常。貽書相迪。舟過其家。仲氏招飲。因寫寄燕中。

六溪春水漲江渾。始見君家遠逸門。久爲茹蔬慚善友。翻因許飲愛諸昆。上乘根利兼官作。中祕書多念職存。莫向人間談勇退。好將君父佛同恩。

湘潭謁陳闈然房師

乘春襖被向師尋。百丈牽江草未深。花地曩天迎破笈。米船漁網送孤吟。才輸屈賈遭明眼。游入瀟湘理夙心。卻念古賢奇絕處。白頭羈旅少知音。

別栗仲芳諸子

遊集常添好友情。玉州風日自幽清。春山碧處頻登閣。晚燭紅時尙啓城。藥餌相將停過客。吟披不輟念平生。此中亦覺離多緒。愁負家園老去鶯。

七言排律

甲子除夕和伯敬歲暮感懷之作因示弟輩

河上冬晴欲當春。一聞春至卽良辰。土臯微動猶思雪。京洛初歸始畏塵。入野班荆驅蹇便。代僧綰磬閉門真。從昆弟飲勤相勸。熟老莊書曠有因。閱盡風濤舟易穩。望知阻險步先勻。長安弈散全拋子。豪傑江寬暗揣綸。雨急忽迷南北路。沙明轉愛鷺鷗身。行藏帶點安流俗。禮數多庸陸媾姻。聚日追離驚忽忽。衰時得白誘

循循梅開此夕寒千里。鏡到明朝見四旬。還我鶯花成歲月。聽他村犬靜昏晨。生平遮止防中徙。豫致音書告故人。

乙丑歲除夕感蔡敬夫鍾伯敬二公之亡賦十二韻示弟

在潛歸與聲自吞。如因歲序動愁根。溪山頗好嗟空返。師友新亡愧獨存。夙具道情俱未退。近聞噩事總難言。崢嶸鏖鬪傷君辱。 (謂敬夫) 寂寂栖心想佛恩。 (謂伯敬) 雪月佳時私短氣。笑談叢裏暗驚魂。身強叔寶終歸幻。眼想嗣宗可耐喧。憔悴先從文字始。凋零益向友于敦。俱貧豈得分南阮。常定眞宜學北昏。已過四旬休照鏡。能安百畝勝求闈。營生首辦新芒屨。謀醉多交老瓦盆。施烏僧還猶淨域。捕魚人到卽仙源。高懷日日偷愁換。漸有春風吹竹門。

丁卯除夕同諸弟及妹僭魏繩老僧眞公守歲先慈瑩上十二韻

鼎湖秋動萬方哀。適有人間苦痛催。下土照知冰蘖性。先君最就柏舟才。天乎何罪今除夕。母也多愁此夜臺。年長不堪經節序。親亡誰忍具尊罍。雙麟臥處吾家宅。數雁聲中客酒杯。未肯離羣佳壻事。疑從熟劫法僧來。夜晴燒燭跌衰草。山靜拈香祭野梅。蕉剝層層傷舊本。珠明粒粒想初胎。豈無楸在嗟毛子。縱有衣歸非老萊。空占聲華徒積淚。隨遭寵辱盡如埃。布金爲地酬龍虎。 (予建坊金闍供大士) 策杖如雲息塞胎。亦黍東風村鼓內。無正可賀墓門開。

湘潭贈李宗伯八韻

恥從文字問傳燈。本爲深心欲仰承。杖屨豈宜忘海嶽。門牆亦自有高曾。（先生與予座師淵源甚遠）
坐穿木榻迎千卷。忽悟花前廢二楞。管樂合來方似葛。春秋大處莫如澗。人皆事後思王且。我是緣多見李膺。
出世栖神俱夙命。救時蒿目但晨興。晴塘雨寺徘徊久。湘草山花領悟曾。何用更探黃石祕。至人奇絕是澗冰。
壽陳松石先生

蒼然石骨吾當拜。高作松鱗老自看。黃髮司農尊在品。白雲宰相重非官。挑燈喜話先朝事。杖策常尋野
父歡。萬石一經家訓遠。渚茶汀草道心寬。香山仕久餘三泰。向秀情空脫五難。牛李成風俱不染。禪玄異派只
參觀。真將末法歸龍象。始信深林嘯鳳鸞。君自出塵塵便隔。王喬更欲進何丸。

嶽歸堂合集卷之四終

譚友夏合集 卷四